



UNIVERSITÄTS-  
BIBLIOTHEK  
PADERBORN

Provincia Siciliae.

---

[urn:nbn:de:hbz:466:1-66596](https://nbn-resolving.org/urn:nbn:de:hbz:466:1-66596)

## MEDIOLANENSIS. 83

consilium ab eo, & auxilium petit. Huius ope ex Diaboli manibus elapsus uetus chirographus nouo, quo se Deo deuouebat, irritum facit.

In Comensi Collegio pax per nostros conciliata inter duos nobiles, quorum dissensio magnum aliquod malum erat paritura. Tres honestissima familiae veteribus odijs dissidentes ad concordiam & amicitiam aduclæ. Duo uiri, qui necem uxoribus moliebantur, cædis consilium abiecerunt, & cum eis in gratiam redierunt.

Alexandriae tres e nostris plusquam pro numero in Societatis muneribus elaborarunt, ac tale ciuibus nostrorum hominum specimen dederunt, ut nihil magis expetant, quam Collegium Societatis.

## PROVINCIA SICILIAE.



Verunt nostri in hac Prouincia ad numerum trecentorum sexaginta quinque. Panormi in Professorum Domo vnus & quinquaginta. In Collegio quinquaginta sex. Messanae in Collegio vnus & septuaginta. In Domo Probationis sex & tri-  
ginta.

ginta. Catana vnus & viginti. Totidem Syracusis. Calatagironæ duodeviginti. Quindecim Bivona. Rhegi totidem. Vno plus Drepani. Itemque in Collegio Montis Regalis. In Collegio Mineo tredecim. Melita vno minus. In Calatauexetano Domicilio quatuor. Excesserunt vita octo. Societatem inierunt triginta.

### Professorum Domus Panormitana,

**O**peram a nostris utiliter positam fructus multiplex satis ostendit. Multe mulieres a flagitiosa vita extractæ: ex his duæ in Perfugij Domo locatæ, quam domû nostrorum hortatu Proregina Sicilia mulieribus e flagitiorum cæno emergentibus nuper aperuit. Atque ad eam rem Sodalitas ex primariis huius Regni feminis instituta, quibus curæ est eam Domum sustentare, ac præterea Nosocomium insanabilium identidem inuisere, quod vtrunque faciunt ingenti approbatione ciuitatis. Multa item homicidia repressa, ex quibus multarum familiarum perniciës timebatur. Complures virgines, quæ nostrum templum frequentabant, Deo se deuouerunt. Ex hoc numero sex vno die ad idem cœnobium se contulerunt. ludorum Bacchanalium ferijs  
in tem-

in templo nostro quadraginta horarum suppli-  
catio maximo apparatu, parique frequentia  
peracta est. Bona civium pars relictis ludis,  
ad Deum pro insanientibus hominibus com-  
precandum convenit. Ad preces piorum ho-  
minum se flagris cadentium agmen accessit  
maximum. Auxit celebritatem tum Prore-  
gis, Proreginaeque praesentia, ac religio insi-  
gnis, tum Archiepiscopi, qui rem diuinam so-  
lemni ritu fecit, & canonicorum pietas singu-  
laris. Quippe erat aedis nostrae araeque ornatus  
& ad speciem magnificus, & ad sensum pius,  
ut quicumque accederent, intimis sensibus co-  
moti lacrymas tenere non possent. Templi edi-  
ficatio magnis piorum, atque ipsius Proregis  
ultro tributis pecuniis adiuta penè ad fastigi-  
um peruenit. Praediues matrona nummos aureos  
quadringentos erogavit, ad lychnum argen-  
teum pensilem ante aram maximam. Sacra sit-  
pellex non mediocria incrementa cepit. Ae-  
des quoque nostrae, & aula, & aliquot cubicu-  
lis aucta. Ipse etiam aditus aedium concinna-  
tus cum opportunis circum locis uel ad no-  
strorum usum, uel ad colloquia cum externis.  
Praecipue verò fuit nostrorum studium preci-  
bus, atque omni ope iuuanda Congregationis  
Generalis in hunc annum indictae. Ad eam  
rem omnes per singulas hebdomadas usitatis  
B. P. Ignatii commentationibus, sed inusitato  
sensu fructus mentes suas exercuerunt, & as-

fiduas preces certatim, voluntarijs corporum afflictationibus cumularunt.

### Collegium Panormitanum.

**N**ostris discipulis præclara declarãde industriæ suæ se obtulit occasio, quam illi de manibus non dimiserunt. S. Nympha Virginis caput maximo apparatu, ac penè triumphali pompa in Urbem cum Inueheretur, Collegij parietes, præter quos supplicatio erat processura, epigrammatis, emblematis, ceterisque ingeniorum monumentis elegantissimè pictis exornarunt. apposito etiam dialogo Virginem salutarunt. Quantum in virtute ac pietate progrediantur, vel illud argumento est, quòd eorum complures ad varias sacrorum hominum disciplinas, quatuor numero ad nostram Societatem se applicuerunt. Verùm inter omnes Sodalium B. Virginis eminent pietas; quæ cum multis rebus spectata est, tum verò in pudicitia tuenda. Ex his duo impuditas mulieres, a quibus etiam in cubilia ingressis attentabantur, constantissimè repulerunt.

### Collegium Mamertinum.

**P**ræclare posita opera est etiam in hominibus desperatæ salutis. Complures fontes capitis damnati, cum repente breuior solito  
dies

Dies esset supplicio præstituta, vsque eò efferari sunt, vt palam in iustitiæ ministros, Deumque ipsum maledicta iactarent. Horum tamē animos nostri non solū mitigarunt, sed etiam ad representatum supplicium æquo, fortique animo perferendum magnopere confirmarūt. Itaque alacriter vadentes ad mortem se mutua hortatione firmabant, eaque omnium alacritas erat, vt ad triumphum potius, quam ad supplicium ire viderentur. Vnius præter cæteros virtus, & scelerum pœnitentia insignis fuit. Qui cum primò esset omnium desperatissimus, tantum doloris sensum deinde ex turpiter actæ vitæ memoria cepit, vt adhuc recens ex quæstione ac tormentis, crasso fune nudum tergum acerrimè cæderet, nec se a quoquam tohiberi sineret. Multorum odia, atque inimicitia ad pacē adductæ. In hoc genere quidam accidit non sine diuino numine, sanè mirabile. Primarij ciues erant duo, qui graues inter se inimicitias exercebant. Eorum alter, qui grauis simam iniuriam ab altero se accepisse existimabat, nulla cuiusquam auctoritate adduci poterat ad pacem. Hunc sacerdos e nostris adortus, cum alternis rogans, cœlestesq; minas intentans ne quicquam eius versasset animum; denique re infecta discessit. Nec intasum Sacerdotis minæ ceciderunt. Tantus illū repentè dolor inuasit, vt iā iam expiraturus videretur. Itaque nostrum Sacerdotens

properè reuocari iubet, experiri se vindictam  
 obstinati animi Deum; seque iniuriâ Dei cau-  
 sa condonare paratum inimico: Nec secus ac  
 dixerat, fecit magna omnium vel admiratio-  
 ne, vel lætitia. Inter duas nobilissimas ciuita-  
 tis familias, quæ sese omni ope ad mutuam cæ-  
 dem armauerant, per nostros pax in perpetuū  
 constituta est. Duo ciues primarij aded erant  
 pellicum amoribus implicati, vt eas vi, ac ma-  
 nu aduersus Generalē ciuitatis Vicariū tueri  
 non dubitarent. Verūm nostri Sacerdotis ora-  
 tione adducti pellices sua sponte ad Archie-  
 piscopum deduxerunt, & veniam a Vicario  
 suppliciter petierunt, animumq; ad honestio-  
 rem vitam traduxerunt. Puella, cuius & cor-  
 poris & animi vita in discrimine versaba-  
 tur, in tuto est collocata. Ciuis honestus cum  
 falsis criminibus ad quæstionem, ac tormenta  
 rapiendus esset, nostri sacerdotis hortatu B. Ma-  
 riæ auxilium implorauit. seque inimicis &  
 accusatoribus omnes iniurias condonaturum  
 esse promisit. Inde ad quæstionem raptus, cum  
 cruciatus omnes forti & constāti animo per-  
 tulisset, proxima nocte visa est ei in quiete B.  
 Maria, postulans vt promissa faceret. Qua  
 ille specie tantopere est recreatus, vt confestim  
 sacerdoti eidem accersito flens rem omnē ex-  
 poneret, ac subinde inimicis ignosceret. In  
 quinque numero Sodalitatibus B. Virginis,  
 mirus pietatis ardor exarsit; maximè verò eo  
 anni

anni tempore, quo maxime efferescere solet  
 stultorum insania. Namque ex de nostra insoli-  
 to apparatu exornata, indicta est quadraginta  
 horarum supplicatio. cuius supplicationis  
 initium ipse Archiepiscopus, sub sacrum so-  
 lemni ritu, suavissimo symphonicorum, Mu-  
 sicorumque instrumentorum concentu decan-  
 tatum, fecit; finem autem imposuit agmen octo-  
 ginta virorum se flagellis de more pulsantium,  
 itemque aliud puerorum, qui Angelorum  
 specie cruciatuum Christi insignia refere-  
 bant, quo spectaculo vniuersa ciuitas aded  
 commota est, vt sexta feria maioris hebdoma-  
 da, ac dies acerbissimae Christi morti sacer ui-  
 deretur. Ex his Sodalitatibus sex ad nostros  
 se aggregarunt. Ea porro opinio est ciuitatis  
 de nostrorum virtute, atque doctrina, vt plus  
 fere nobis tribuant quam nostra modestia pa-  
 tiatur.

### Domus Probationis Mamer- tina.

**D**uo nobilissimi adolescentes summa vel  
 ingenij, vel virtutis indole praediti, sanè,  
 memorabili ratione ad Societatem vocati sunt.  
 Horum alter frater erat germanus Dynasta  
 longè primi Siciliae Insulae. Is cum Deo se di-  
 care statuisset, diu, multumque dubitaret, v-  
 trum

trum

90                    P R O V I N C I A  
rum Capucinatorum, an Societatis disciplinam  
sequeretur. Ad eamque deliberationem etiam  
per piorum hominum preces Dei voluntatem  
exquisierat. Ad extremum coniectis in aram  
sortibus duabus, in quarum altera Societatis,  
in altera Capucinatorum erat nomen, sacrum San-  
cti Spiritus ad eam rem faciendum curavit.  
Inde cum Eucharistiam rite sumpsisset, edu-  
centi sortes Societas obuenit. Id cum Dei co-  
silio accidisse existimaret, extemplo secutus est  
vocantem Deum. Alter Dynastæ opulenti in-  
primis filius Societatem cupidissime appetie-  
rat. Is cum pater abeundi potestatem omnino  
non faceret, fuga elapsus Messanam contem-  
dit. Paucis horis intermissis pater re cognita,  
eum vestigijs persequitur: eodemque die ad  
maritimam urbem peruenit, quò filius paulò  
ante peruenerat. Ergo dispositis ad portas cu-  
stodijs, ne qua elaberetur, quam diligentissime  
observabat. At ille cum se aliquot e nostris  
Messanâ petentibus comitem addidisset, clam  
in nauiculam impositus paternam diligentiam  
eludit. Cæterum cum deinde pater Messanam  
profectus, potentia, qua plurimum poterat,  
peruicisset, ut sibi filius redderetur, nihil tamè  
profecit. Quippe ille hac contentione constan-  
tior factus nullis nec minis, nec contumeliarum  
aculeis potuit a proposito deterri. Ita  
demum victa patris duritie, ad nos victor re-  
uertit.

No.

Novitiorum peregrinatio evidens Dei numen experta est. Ex his tres locorum imperiti cum longa aberrassēt a via, in devia sylva imbribus madefactos nox oppresfit. Itaque humanis auxilijs destituti, ad Diuinum confugerunt, Deumque ac Dei Parentem cum Diuis omnibus inuocare cœperunt. Vix id munus peregerant, cum repenti famuli Baronis cuiusdam e venatione reuertentes eis occurrunt; qui nostrorum casum miserati, eos in proximis oppidum ad Dominum adducunt: ibi liberaliter accipiuntur, & rebus necessarijs instructi reducuntur in viam. Iisdem honesti homines stipem cum negassent, ubi eos e Societate esse intellexerunt, domum adductos, liberaliter, lauteque tractarunt, & rebus ad iter necessarijs iuuerunt.

### Collegium Catanense, & Syracusanum.

Catanae nihil admodum hoc anno memorabile accidit, nisi quod maximi momenti pax nostro Sacerdote internuntio conuenit. Quadraginta item horarum supplicatio extremis Bacchanaliorum diebus habita solemniter, atque pompa. Quippe Vicarius ipse Generalis cum Magistratu ciuitatis, magnoque ciuium agmine initium supplicandi fecit,  
secu-

secutusque maximus deinceps populi cum pari pietate concursus.

Syracusis nostri egregiā pacificationis laudem tulerunt. E primoribus ciuitatis duo multos iā annos capitali inter se odio dissidebant; nec vnquam illustrium virorum auctoritate ad concordiam res adduci potuerat. Tandem nostri Sacerdotis hortatu, pertinacię finem fecerunt, suas inter se iras, discordiasque placarunt; eademque opera se suasque familias cęde, ac perniciē liberarunt. Ea pax coram plerisque ciuitatis principibus facta est, cum is, qui alterum violarat, insolutis etiam modis illi pro iniuria satisfaceret, maxima cum omnium admiratione, ac laude nostrorum. Alij duo ciues honesti nostrorum suasu ex grauib; inimicijs in gratiam redierunt. Duo arcta propinquitate coniuncti, ob disceptationem fortunarum disidentes, atrocissimis criminibus apud Iudicem decertabant cum ingenti periculo vtriusque. Hos vnus e nostris in pristinam gratiam, amicitiamque reduxit. Idem inter duos adolescentes, qui graues inter se inimicitias gerebant, pacem conciliauit. Adolescentem, qui inimicum, a quo deforme in facie vulnus acceperat, ad necem querebat, mitigauit, ac perpulit, vt Christo inimici iniuriā condonaret, vltroque læsus ipse ab eo, qui læserat, eiusque cognatis flens, & singulos osculans veniam peteret, cunctis qui aderant, stupore

pore attonitis, & immortales Deo, ac Societa-  
ti gratias agentibus.

### Collegium Calataieronæ.

**I**Ncredibile est ciuitatis studium in Societa-  
tem. Indicio est, quod publico cōsilio num-  
morum aureorum duo millia quingentos nobis  
ad templi ex ædificationem attribuit. Itaque  
iam templo est fastigium impositum, testum-  
que pulcherrimè laqueatum. Nouum templū  
ipso die D. Mariæ sacro iniuiatum maxima  
populi frequentia, ac lætitia. sacra verò mi-  
steria frequentantium numerus, pariter ac  
pietas crescit in singulos dies. Multarum uir-  
ginum pudori ex inopia in magnum discrimē  
adducto per nostros consultum est, pecunia ad  
eas subleuandas corrogata. Nonnulli ex pri-  
mis ciuibus, qui exorto affinitatis dissidio,  
acerbissimis odijs & criminibus inter se dissi-  
debant, nostris authoribus discordias posue-  
runt, & ad pristinam gratiam redierunt, ma-  
ximo cum gaudio & gratulatione ciuitatis.  
Sodalium B. Virginis virtutem vno exemplo  
notare satis erit. Ex his vnus longè nobilif-  
simus ab altero Sodali in maxima ciuium fre-  
quentia, verbo, vt uidebatur uiolatus, sic ex-  
arsit, vt sodalem pugno percuteret. Sed cum  
ille sedato animo negaret ab se contumeliosè  
dictum, quod ipse in suam contumeliam ver-  
tisset,

tisset,

eiſet, vſque eo commotus eſt alter, vt illico ſe ad eius pedes proijceret, ac ſuppliciter veniam peteret, ſequē ad quamcunque voluiſet, ſatiſfactionem paratum diceret. At ille aded libenter ei condonauit iniuriā, vt omnes qui aderant, non minus huius moderationem, quam illius ſubmiſſionem animi ſuſpicerent.

### Collegium Minenſe & Biuonenſe.

**I**N oppido Mineo tanti ſunt vndique ad eadem noſtram hominum concurſus, vt ceterae ſacrae aedes penē deſertae videantur. Catechiſmus pueris tam diligenter, accommodateque traditur, vix vt vllus ſit puer quin eum probē teneat. Ciuium erga nos beneuolentiam, cum alia multa, tum verō eorum legata declarant. Ciuis opulentus noſtri templi munditia captus, luculentū ei legauit praedium. Ioannes Thomas Verrera huius Collegij fundator, non magis ante actae vitae laudibus, quam egregia in graui, diuturnoque morbo, ac morte patientia clarus, Rectorem Collegij ſibi moribundo adeſſe voluit. Itaque ſanctiſſima IESV, ac MARIAE nomina perpetuo in ore habens, ipſo die IESV CHRISTI circuncuſioni, ac nomini ſacro (qui dies a Societate noſtra ſanctiſſimē colitur) euolauit in caelum.

## S I C I L I A E.

Buonae autem honestissimorum civium odia, qua in civitatis perniciem eruptura videbantur, per nostros sedata. Ex his duo germani fratres, inter quos acerbum odium cum atroci dissidio exarserat, multosque annos tenuerat, peteres inimicitias, controuersiasque vni è nostris sacerdotibus permisere. Alij duo fratres cum ex altercatione ad manus venissent, seque inter se grauiter vulnerassent, recentibus adhuc vulneribus, sacerdote nostro auctore in gratiam, caritatemque pristinam redire. Fuit etiam qui ab inimico grauiter laesus non modo illi condonaret iniuriam, sed etiam cum is vinculis teneretur, missionem impetraret.

### Collegium Rheginum, & Montis Regalis.

**R**hegi nostrorum industria cum in ceteris Societatis nostrae officijs, tum verò in subleuanda egentium inopia, quam annonae caritas grauiorem faciebat, enituit. Ex pijs hominibus amplius centum aurei nummi corrogati hac pecunia identidem panis coemptus, quo vincti, alijque pauperes famem tolerarēt.

In Monte Regali haud vulgaris Sodalium B. Virginis pietas extitit. Horum tres religiose vitae institutum amplexi sunt. Discipulorum

lorum

torum studia præmijs publicis & Iosepho comædia non magis ad scientiæ, quam ad pudicitie amorem excitata. Theologiæ moralis explicatio Archiepiscopi rogatu publicè instituta, & ipsius Vicarij Abbatisque præsentia corroborata. Inueterata multorum odia restincta, & ad pacem, concordiamq; conuersa.

Collegium Drepanitanum, Melitense, & Calata Nicetianum  
Domicilium.

**D**repani complures etiã de primarijs ciuibus veteres inimicitias nostrorum horratu deposuere. Sodales B. Mariæ multa ediderunt liberalitatis exempla. Vinculos necessariorum rerum inopia oppressos assidua benignitate subleuarunt, vt constaret miseros illos horum beneficio uiuere. Vetus cõsuetudo subleuandi per certos homines verecundas egenarum familias, reuocata est. Plerique, vt in omnibus fermè grauioribus rebus nostrorum consilio vtuntur, ad virtutis ac pietatis studiũ conformantur. Ex his adolescentes duo diurnas impudentium feminarum illecebras incredibili virtute repulerunt.

Novum Melitense Collegium, & si modo factum, tamen vberem fructum tulit. Tres primo hoc anno Sodalitates inchoatæ sunt, Vna equitum

equitum facile quinquaginta, Altera opificum, tertia discipulorum. Summa est Societatis existimatio apud omnes. Primores equitum etiam grandi cruce insignes; ipseque Cardinalis ac Magnus Magister nos crebro adeunt, deque rebus ad suam salutem pertinentibus consilium a nobis & auxilium petunt. Episcopus quoque & Inquisitor, omnesque sacerdotes nos colunt & observant: nostramque inopiam pecunia & ceteris rebus iuuant.

In Calatanisitano Domicilio vilitatis pietatis officijs præclarum nostræ Societatis specimen datum est. Complures nostri Sacerdotis hortatu capitalia odia, veteresque inimicitias posuere. Ipsa autem quinta feria Sacrosancta hebdomada, quo die mystica Domini cæna solemni ritu recolitur, frequens habita est se flagris verberantium supplicatio vel hominum numero, vel pietatis studio memoriæ omnium his locis maximo. Noui Collegij, quod summe omnes expetunt, ædificatio magnopere vrgetur, & ipsa Dux, eiusque hæres filia Societati mirum in modum student.